

00935

題辭

大作絕似歸熙甫修絮清雅儵然出塵此甌江後起之龍象也辛酉四月黃巖喻長霖

國朝人文勃興經史考據諸學無不各造其極吾浙碩儒林立而古文克成家數者鄙意獨推 今先伯祖太僕公與富陽夏滌庵工部嘗以語喻志詔編修編修無以易吾說也今公達本其家學為古文靜勁練達器局精闢其天戒者有天台雁蕩嵐壑雲泉之勝概而人力所施屋宇塔寺位置得宜均非俗工所能辦蓋三十歲以前已造成斯境矣鏗而不舍頡頏 太僕工部何難乎稿中經史學杜篇提挈源流茫茫大海中舉夾滌數言以發凡神識超

朱塵文鈔不分卷  
抄本  
共 壹 冊 存 壹 冊 排架號 00935

平篇中語言之妙耐尋討尤可喜也壬申夏寧海章校

激觀亭記

丁巳春宣將走京師過黃巖謁姑夫楊先生於里第先生年七十  
三矣留數日乃携宣踣園徑至所居之後得亭焉登之草木彌望  
河水帶環平挹山光俯漱清瀨游魚飛鳥皆有悠然自得之樂先  
生曰余老矣小子識之君子立身也不以利趨不與名謀孜孜求  
仁義惟恐不及晚近世變孔亟人心叢亂士夫皆囿於勢利皇皇  
无所底止究其所得孰與余多余退居二十年藏書數萬卷課孫  
曾以時時或登嘯亭上斟酌醴齊熙然而歌持頰大咲曰西不自  
己蓋不求於世而樂夫天也久矣暮春三月農夫蒔種烟蓑雨笠  
一望如畫入夏稻長滿里一色景風扇搖四壁香徠是又足怡余

補也。余老矣，不復關。世事惟激心，樂道扶杖以觀化耳。故名之曰激觀子。曷為記？宣敬諾勿辭，亭之南傍水有屋如舟，曰定榕。其東有亭如半笠，曰逸老。又北有水木明瑟之軒，又東北有宜稼村。菜香居，莖棚菜畦，襟以花木野趣，盎然皆可觀。是為記。

丁巳三月書於黃巖路橋楊氏居

黃巖楊給諫生壙前石銘

關西夫子月河釣徒，蚤登黃榜，夕拜青蒲。既闕建樹，迺邁崎嶇。世系蛟橋，樂此鑑湖。隱居著述，味道之腴。畧分四部，校架叢書。作亭中，止息影先墟。采山釣水，誰將鹿車。惟願太君，黽勉同居。幅中樵翁，聊樂與嬉。小子願學龍門，企如匪阿。所好以詒，後儒。

經史學社序

鄭樵曰六經未作至治成法在乎聖人六經既作至治成法在乎  
六經六經者聖人所以統天地之心著善惡之歸明利害之分通  
人道之正學者于此考其跡觀其用察其言以措諸心而為事則  
治世之規遠矣稽古世代之隆汙氣化之榮悴靡不錄此上以為  
教下以為學鼓而舞之使天下皆有感發興起之心歡欣交通之  
志然後大道明而風俗正逮乎微言不顯士違厥本夸談寡要政  
治秕糠上不綱而下無所法人心渙散蓋有漸也即或假經術以  
濟其私自命為足用而終亂天下虛文勝實道不明且然則經術  
開政化之源壹生民邁嚮經邦致治非一世已嘗讀史觀其治亂

丁巳春三月書於路橋楊氏居

安危之政忠倭是非之實莫不以經訓之從違為斷乃知經術與  
政治相表裏所關於世道人心者至遠且鉅而益數不通經不能  
具讀史之識不熟史不足見經之有用二者並重不可偏廢也聖  
人之法可使不行於世不可不傳於世不行於世猶有待也不傳  
於世雖有作者不及見也今距聖人雖遠猶可因其法以推見其  
心者賴有經存也海通而還新學內輸機械之說熾一偏之士競  
棄經術為無用倡異說以賊天下陷溺人心恐不僅當世之患而  
已某昧道普學幸從當世賢士大夫遊聞嘗討論及此深為之懼  
欲有策其豫計惟經史實學足以藥之乃敦延耆宿賃精廬設經  
史學社以時講習冀以恢至道而敦頽俗昌於昔者未必獨蔽於

今亦在用與不用知與不知耳所以不用弊在不知知之則用之  
矣區區之志儻亦海內方雅所樂許乎

姚永概叔節曰溝通經史識見正大

徐樹錚又錚曰粹雅可喜

王府君家傳

王府君諱璿字蘊齋世為浙江山陰人清乾隆中有官汾陽者因  
著籍焉府君少治經史抗志高厲不屑屑為制舉業一試不售輒  
棄去服官兩淮鹽官大氏豪富大賈所角遂也府君獨未嘗請謁  
坐是沈滯久之緝私白塔河敘補泰州草堰場大使光緒辛巳夏  
海嘯大風雨挾潮而上竄戶蕩析府君急振募繕廬舍置牲畜織  
鉅躬任之又令沿海築墩避潮如前明舊法修范公堤緣堤墾殖  
鑿河渠置倉積穀民賴之立石誌焉後數年有運司某巡視鹽場  
索供張甚所過咨怨莫敢言府君以計杖其僕械項示市而自請  
曰為民乞命敢惜一官某慙謝去府君官雖務久悉利病日思所

己未十月書於善邊使行署

以整鹽課禮國計勑為重淋鹽之法畜草濟煮力稽火伏所產溢  
常額每舉事必咨眾議以誠相推故皆樂為之用訖其去二十年  
稱誦不衰也府君議致花翎同知銜尋以憂去官寓居蘇州絕意  
仕進慕靖節廉節之為人自號安遇老人曰與賓客倘佯山水間  
讀陶蘇白陸諸家詩以遺意焉卒年七十三所著有安遇軒草若  
干卷祖諱錫九道光癸巳進士為知縣江蘇晉知州祀吳縣名宦  
祠考諱宗濂歷官安徽江蘇知縣用軍功保知府加道銜配施氏  
子二敬銘江蘇候補知縣前卒武通光緒戊戌進士大理少卿今  
水利局副總裁孫四蔭沂蔭秦蔭海蔭霖  
贊曰府君沈毅有器度上不趨貴勢之榮而下克勤事惠養民可

謂循吏也已而賢者屈下位行治不得博見於天下豈非惜哉然  
其身雖無眾人之求而其德之詒於後者必可觀也

王母施太夫人家傳

太夫人紹興施氏王總裁式通母也。大父諱雲梯，淮徐海河務兵備。適父諱燕辰，舉人，歷官武進、陽湖、震澤知縣。母氏陳，工詩，閨秀。正始，續集載焉。太夫人少聰敏，有才藝。年二十，歸蘊齋府君。逮事祖姑陳太淑人，繼姑葛太淑人，肅恭誠至，奉養靡怠。同治中，舅通議公及府君嘗大病，太夫人夜禱於神，剗臂和藥，以進療之，而絕諱不言。光緒辛巳，泰州海嘯為巨災，府君方知草壇場募錢粟，振給不繼。太夫人則盡出簪珥，易之恤民之急，以成善政。嗟乎！世方多故，吏治媮惰，葛沴橫行，莫為之備。甚且選蠕觀望，而府君獨能盡職，不為毫髮顧慮。所以經營安集者，太夫人蓋有助焉。太夫人

庚申二月書於京師驛馬市客館



性仁慈喜施與而以禮法持家春秋祀事必躬蠲饑姻族歲時饋  
問必稱其情御婢使治居第生產咸序其宜平居不言人過於所  
親則未嘗假借每戒子女勤信立身治家之道嘗曰名士亡實不  
如良賈官不曉事有媿老吏蓋性識閎遠卓乎不可及已府君以  
甲寅三月卒太夫人哭之成疾後五年終於京師師第享壽八十  
實己未閏七月八日也即以其年某月日葬於吳縣鳳凰池啟府  
君之阡祔焉

贊曰總裁居官有聲迹尤以文學稱天下宣來京師嘗幸得侍游  
燕接其緒論則溫誠君子也因備悉太夫人行義若此蓋古碩儒  
魁士往往承母訓其陶染之漸有致然哉

庚申二月

林貞女傳

貞女林氏浙江瑞安人也年二十二字同縣金錦絲錦絲以瘵死  
貞女聞之悲哀欲自殺家人勸慰累日而誓必終守夜衰臨哭其  
喪金家貧舅姑又皆老病日夜侍湯藥不解衣逾年而舅姑相繼  
歿先是錦絲兄弟二人兄芹絲蚤卒遺孤光藻貞女撫以為子僅  
有屋數間居營女工以取衣食十指所入歲甚微也然春秋祭掃  
必以時束脩必具身雖窮苦而操愈厲冬夜依燈火縫紉督光藻  
讀書其旁往往至三鼓焉光藻既長授室貞女乃告子婦曰往者  
吾不得死茹苦垂二十年為金氏一息耳今兒能自立持門戶斯  
願慰矣吾履何足戀空五陰以修六度庶有存焉吾將託諸子婦

牽衣相向泣貞女亦泣遂渡江居平陽香林寺為女冠到今十餘  
年年六十矣有司以聞得喪章並給白首完貞扁額夫貞女豈以  
此為名哉世方毀道德詆貞節為迂愚者聞貞女之行可爽然已  
孫宣曰予家與林氏世姻好而居又鄰比幼時嘗聞貞女事每見  
其人輒心敬焉輒近俗壞學士大夫多不克終其節而貞女乃能  
以是持身篤老而不變不尤難邪昔歸熙甫謂女子在父母家不  
應以身屬人以守為非義然如貞女者辛苦數十年事之哀傷又  
豈人所能堪君子亦觀其志而已矣貞女祖諱鎮鑣縣增生父諱  
頌壬附貢生

庚申十二月書於隱泉書屋

外祖母王太夫人七十壽頌有序

汀回邨去瑞安縣城東北十二三里吾外家張氏居也世以貧雄  
我外祖訓導公尤輕財好施與凡地方舉辦事嘗賴其力鄰里紛  
難爭訟往往藉片言以決成敬服焉訓導公初娶陳氏生一男五  
女今外祖母王太夫人為繼室實吾母所自出也世居永嘉上田  
邨適張氏後連舉二女四男當初來時長舅已受室而從母四人  
未嫁太夫人視如己出飲食衣服時其飢飽寒煖為之節度及其  
嫁也匿幣豐儉未嘗稍異平居寡言遠下寬和獨自勤苦每黎明  
興躬親供饋督婢僕洒掃澆濯夜翼一燈紡績沿藤芋輒至三鼓  
農事熟穀麥棉豆積外戶田客往來日百數十人而具食便辦門

庭肅然歲時饒問姻族貧乏者更時周之能助訓導公之所為訓  
導公晚歲患風疾偏痺卧起皆扶夫人扶持之一身而眾役左右  
順適歷十數年如一日既而訓導公捐館舍長舅繼逝而五舅復  
遘海舟之難太夫人年且六十矣內難憂戚外更百紛惟以靜坐  
遺棄一切而絕不信二氏之說不入寺觀不諷誦頃讚然其好義  
積德雖古賢母莫或踰也宣七八歲時先君既見背吾母日悲泣  
體貌羸削太夫人閔之輒召吾母子親撫鞠而宣又善病湯藥必  
手調治夜卧皆身護之母嘗教宣讀孝經小學韵語偶誤母嚴責  
則為之勸譬時稚鈍無識獨念太夫人仁慈依依不忍舍故歲常  
四五月居外家雖歸見汀田人來猶戀戀欲與去也既長宦學四

方北走幽燕絕大漠而還忽忽又十餘年每歸省未嘗不拜太夫  
人諄諄垂問愛惠倍至回念廿年前事若櫂孤舟於駭浪洪濤間  
危頃千變而其啼號相保幸底於全者非太夫人是力而難與獨  
宣錄錄年將三十無所樹立此真內媿於心不能自止者也今冬  
方在京師母書諭之曰十一月十有七日為太夫人七十壽辰汝  
外孫也受恩最深當南歸為壽宣敬奉命而復為之頌頌曰  
懿與夫人巍巍女宗誕自碩門德毓厥躬播遠休嘉繼妃張公啟  
新振故庭闡肅雍虛事中饋祭祀惟恭蕪泐掩魄吻枯憐癯經仁  
為腴緯義為豐積焉勿怠樹此高風宜登遐齡圖芳子鍾斯惟辜  
月良辰吉日六親萃止老稚懽說擊豕烹羊壺觴幾列三子五孫

線服纓膝躋拜上壽載祝載述外孫曰宣俯念舊恩襦衣升獻歌  
以侑尊猗惟夫人千歲流芬論祥議福絲絲無垠

王樹枏晉卿曰富家庭往來環碎事語意濃至文之善學熙  
甫者

辛酉十月書於京師西城客館

卧廬池先生七十壽序

歲癸亥夏四月卧廬池先生年壽七十於是鄉里朋舊與夫後進  
之士咸為歌詩祝之而屬宣貢一言以為引竊念吾孫氏與池氏  
世姻好先生之祖母實宣曾祖姑而先生於宣為中外丈人雖不  
文不能無述也光緒初先伯祖太僕公開藩江寧而先祖侍郎公  
主講鍾山書院先生方二十餘負笈相從習為經史有用之學意  
氣踔厲議論發慨然有當世之志後數年太僕公奉內召引疾  
歸立詒善祠塾召置縣中材秀子弟凡百數十人肆舉業獨先生  
能治古文辭最有名旋復出游地澗大江南洋海至臺灣常以文  
學游諸名公鉅人間皆傾下之既而海上兵興先生遂倦游歸與

樂濬陳先生暨盧顯攻醫學凡世所傳神農黃帝以來本草靈樞  
素問悟君雷公之著記太清金匱之論錄以及宋明諸家之專集  
皆尋繹反覆其意指而於金石草木之形狀氣性功用未嘗不審  
辨精詳以窮診候之術初設利濟醫院利濟學堂遠近來學者歲  
以百計多有造就故至今學堂雖廢而聲譽乃獨著也先生既絕  
意仕進然於國家治亂興壞之迹民生利病之故居嘗深念必探  
其本來以期自效於鄉邦讀書彊識諳諳舊事後生少年爭挾所  
業就門下則一一為之講說窮日夜不厭鄉鄰或有辨執每出一  
言而兩平而意有所不可則面屏無所還忌性喜山水暇日登臨  
縱酒放謔與會所至輒成巨篇清超拔俗有元白之風顧頗珍惜

不輕易示人獨於醫則絕不高自聲價雖貧之疾病亦必躬診切  
惜惜望問者方劑再三審視而後已蓋其仁慈惻隱之心所積者  
素也抑嘗聞之賈子曰古之聖人不居朝廷必居醫卜之間然則  
古聖人所為政教與醫者皆治道也故於民之疾病痛苦必引為  
一身之休戚必盡其道以安其性命之情而其道固甚備也後世  
道衰醫降為技縉紳先生棄馬弗講而庸俗鄙夫遂竊聖言以害  
民豈不傷哉先生稟瑰琦之才懷裒經濟徒不得位退居於醫而  
其聰明仁愛有惠於民如此使其應時際會高躋大官充其心乎  
天下則其所學出為世用者不更偉邪而文學筭術之末顧猶璣  
璣未足以盡先生也雖然仁心之積蓋足履九有而在羣生則先

生之壽堯期無艾將若古列仙萬稚川陶貞白長游人世可也先  
生聞之當亦為淳一饅乎

王樹枏晉卿曰夷猶跌宕頗近歐公

癸亥四月書於宜樓

復庵饒先生象贊

儒釋交讖蓋千百年象言紛淆何淳何儂先生既作郭經而禪探  
厥性命乃心廓然推財同產上識下賢接物唯恕潔已則堅孔德  
之容三偈之篇鉤玄摘象信莫或先慨想風流我懷拳拳用垂頌  
聲俾世永傳

章夫人象贊

懿與夫人維德之醕順以相夫誨子而文訓識植世豐義約身積  
茲餘慶播為家芬肅肅夫人古之嚴君

先

乙丑四月書於京師西城高齋

南昌饒府君象贊

穆穆府君瓌材巨世甫在麟年有志匡濟當握戎幾婁用奇計既  
翦咆然刷馬江澗以耕以聚總總而憶振氓貸粟築圩塞沴盛德  
芳聲溢於千歲敬展遺象百拜敬禮茲贊詠敢詔賢裔

五

饒母余太夫人象贊

言忠信行篤敬惟太君執賢聖勛孫子敦廉正念祖德惠同姓垂懿範足躡詠千萬祀清風

元

乙丑四月書於京師西城寓齋

鄭母陳夫人墓誌銘 代馬先生作

歲辛酉春甘肅警務處長歷城鄭君元良以母夫人春秋高辭職奉母歸越三年當甲子冬十二月晦前一日母年七十六考終於里舍其明年某月日藏柩某鄉某山啟先贈君之兆祔焉而屬子以銘夫人姓陳氏亦歷城人也處士謹澁厚女少喪母處士以其孝謹特鍾愛之年二十二歸贈君諱相霖為婦家世丁單至贈君父始有兄弟三人而兄又蚤世遺厥子女夫人為營婚配勤不告勞以食指眾析產異居不十載死亡相繼凡五六役於是贈君兼桃叔父而元良復嗣伯祖為主後迎養鰥孀則皆得所欲而生事益繼贈君多客游家有無壹仰倚夫人勤工緝置整理斬斬贈君



嘗遭急疾夫人不解帶侍湯藥者數閏月夜則泣禱於神贈君疾  
良已又數年卒元良纔冠耳夫人日鬻針綉佐貲用雖甚勞苦然  
教子乃獨專時其倦讀則垂涕誠曰汝家三世唯汝一人又貧不  
能具束脩其能具者皆吾心力所碎也汝今弗勉學將何賴邪元  
良謹受教其後以直隸州知州從煥威張將軍入隴治軍需縮要  
職先是元良念母老猶豫未決去夫人曰張公待汝厚今遠行誼  
不可背遂與室從夫人少歷多艱克有賢子致隆祿養而儉約如  
初獨喜周姻戚貧之已而隨子東歸視妻榮利若敝屣板輿游燕  
精神健聰鄉里嘉歎蓋夫人非獨內治修也其教子於出處進退  
之義審之素矣其賢也若此固宜銘銘曰

士貴有志義固顧守道畢世寧論數夫人百憂信莫訴翻天駭濤  
乃得渡一子長材足騰鶩爵祿寵光延休柞片石閱詞匪諛慕

吉水劉君墓誌銘代馬先生作

君諱應元字瑞珊姓劉氏其先江西清江人也宋時有諱仰英者  
徙居吉水之龍州村遂為吉水人三十八傳而至君考諱人駿舉  
人官湖南桂陽縣知縣君以拔貢生廷試二等當出為吏君曰學  
未優可遽臨民乎歸而鍵戶讀書舉光緒癸卯科鄉試試禮部不  
第以縣令分浙江巡撫馮公異其才留幕府營機要同時督學吏  
公恒榮亦招致之兩公倚若左右手晉知府授缺有日矣丁外艱  
歸長白增韞公繼馮公來撫浙初至事多壅繼乃知幕府失君也  
亟速之返仍兼學幕浙省士風吏治梅一時人謂君有力焉民國  
既建君還里嘗道就起君知萍鄉不赴旋舉為縣議會議長教亦

乙丑閏四月書於京師西城富齋

會長辟浙江巡按使秘書出知武義縣以母老乞歸甲子十二月  
晦卒年五十八君少岐嶷八歲能作擘窠書博覽羣籍善屬文嘗  
從湖湘名流王先謙王闈運諸公游聲稱藉甚性清簡不樂吏事  
及為吏則能極其力推誠以愛人武義民不習蠶桑君乃設學校  
闢模範桑園逾年產絲遂盛至今賴之君所著書有味苑軒集六  
卷娶彭氏前卒子三人鍾仁北京工業大學畢業江西實業廳科  
長鍾琦日本明治大學畢業江蘇高等檢察廳書記官鍾珂中學  
校畢業女五人宜昌黃恭讓告水郵奇謝壽慈龍南許鎮憲彭澤  
歐陽粹其婿也孫四人以乙丑十月二十九日葬君村南某所鐘  
仁具狀乞銘銘曰

學而茹古才若葩吐美施勿薄乃奇其數匪數之奇允社之宜積  
焉永綏惟後是貽百世有思昭此銘詩

乙丑五月書於京師西城寓齋

錢母浦孺人墓誌銘代馬先生作

歲丙辰某月嘉定錢梯丹母浦孺人卒年六十三越十年乙丑某  
月葬於其縣某山因具狀乞某銘焉孺人天性孝友七歲喪母父  
操航海業終歲客游念子女穉家無足倚者納婢邱氏屬其撫育  
邱為人殘酷既重內政並扑不時日課孺人糊餽千數不足輒撲  
鄰媪以為言則益加撲不止一日孺人兄以事悟邱被逐出乞丐  
於外不得食乃匍匐籬落間闖邱出泣語孺人曰飢甚若能餉我  
邪孺人納兄厨下取所煮粥食之兄曰粥少若杖斃矣亟盪水和  
粥而去邱歸視粥薄大怒掠考誰何孺人泣以實告邱輒舉爐煎  
鏟扑之聲灼無完膚孺人閱默自傷不一言也嘗侍父疾晝夜

懈父良已而孺人病幾殆幸不死父喜曰孝哉吾女天相之也  
十七歸錢君諱某錢君兄弟數人為商賈設肆市中食指僅以十  
數孺人曰就厨爨夜辟蠶勤順恭儉得舅姑懽甚舅嚴整鮮下借  
即怒孺人則委宛曲從終以訢說妯娌無間言家析產分異錢君  
以季子所得獨薄恒慮不自給而孺人處之裕然惟勤內事以相  
其夫家漸起時孺人父若兄久歿邱寄食清節堂不能自存活乃  
迎之歸雖仍呵怒終亦默默聽之及卒厚葬焉先是孺人數產不  
育舅病篤執其姑手指孺人曰婦事吾兩人久日望其得男而今  
莫待也吾雖眼必將籲諸天後數歲乃舉一男梯丹也梯丹年少  
有才勇好任俠辛亥嘗參謀江南軍事既定孺人趣召歸戒曰士

誨於物久矣莫能安保以奉先人邱墓義與命之謂何梯丹謹受  
教奉母遂不仕嗚呼不炫於流俗而能克修其德利祿交乎前而  
莫易其初若孺人母子所相與敦勉者皆世士大夫之所難誠足  
稱哉女一人婿某孫幾人銘曰

德之窈儀之宛難哉小頭而老厲厥抱詒孤邈迺有造斯振藻惟  
女表婉王鮑鐫茲兆于永考

柏堂師友言行記跋

右師友言行記四卷桐城方柏堂先生著也先生勤于纂述自文集外著諸經說讀書筆記俟命錄輔仁錄等凡百數十卷皆刻行而茲記作于咸豐同治間乃獨未錄去冬吾師抱潤馬先生出所藏臺本授宣曰此記述當時鉅人長德若曹文正胡文忠諸公行誼甚備足補史乘遺佚助觀鑑于斯世宜亟刊以傳也余因以眎慕先生玄父慨然任剞劂而余躬為校勘蓋竊有深感焉當昔粵寇之亂天下疲敝曾胡諸公驅馳戎馬所至輒以興學育才推賢進士為務數年之間遂定東南蔚然成中興之治者豈獨武功此烈而已哉蓋治亂之幾起於人心人心之微占於學術故學術之

乙丑十月書於京師西城寓齋

明晦繫邦國安危至大不可一日而或忽也柏堂先生身丁干戈  
播擻之際初為俟命錄究天時人事致亂之繇行已立身處變之  
道以風嘗世逮後游歷四方博文賢詰舉凡嘉言淑行彙為此書  
鏡時範世其用心之偉固足使臺傑之士依回而興慕也第記中  
所載諸賢言論與輔仁錄多同殆或刪節而別為錄然此實為初  
臺叙述較詳尤可珍惜也已

丙寅二月書於京師綠梅齋

劉府君夫人李氏墓誌銘代馬先生作

夫人德化李氏贈資政大夫諱文輝之子浙江鹽運使同縣劉府  
君諱喬祺之妻而學部副大臣廷琛之母也以清帝遜位十四年  
四月某甲子年八十四卒逾年某月日附葬蔡家墩先府君之塋  
兆廷琛具狀請銘述母德甚備且泣曰不肖子行能無似不知其  
不可欲挽沈日於九淵僑寄海隅不忠不孝以上貽親憂惟先府  
君前吾母四年卒陳吏部三立既有迷矣今吾母又不幸子其無  
讓謹按夫人年二十來歸怡色婉容不自專斷内外宗交口誦其  
賢姑吳太夫人善治家夫人率循不怠雖貧約而賓祭彌飭接遇  
族姻恩禮曲當人謂與吳太夫無以異也初府君游客湘閩家事

不何問夫人紡績濯滌饒饒躬其役無勞愠之色已而府君獲鄉  
舉為縣令浙江歷宰劇邑至監司凡十餘年廷琛亦繇編修提學  
陝西家門日盛而夫人服食無改於初恒自縫紉衣履廷琛請稍  
休焉夫人曰男業外女業內此天職也若有墮業是謂驕逸驕逸  
者不祥吾豈惡安樂哉懼不克終耳平居樂道人善見有過則戒  
然為之喻改而後已雖婢媪未嘗重詈也嘗在官舍聞決囚笞朴  
聲往涕下在蓋其仁慈惻怛出於中誠多類此辛亥武昌變起廷琛  
罷官匿青島其後數轉徙境益困母壽八十拜御書之賜夫人奉  
之感泣顧廷琛曰何以克報爾能不辱先者吾志甚樂儉薄甘之  
久矣於是廷琛聞識亦允矢而弗敢忘也夫人三子長即廷琛前

大學堂總監督學部副大臣廷琦補用道廷瑜庶出夫人視之無  
歧異孫五人曾孫三人女子子亦三人詳府君前誌者不具述銘  
曰  
履蹈百艱飭躬而閒寧云豐瘁惟義是攀更厲忠貞立世之頑終  
受寵褒偕老以憫猗與壽母德振九寰橋銘幽室永世無患



遠威將軍陸軍上將徐公行狀

公諱樹錚字又錚姓徐氏江蘇蕭縣人曾祖考諱濟川祖考諱蘭  
者諱忠清清同治癸酉選拔貢生家世隱居力田潛德不曜至拔  
雲始銓授教諭改州判親老不任教授於鄉門下著籍至千人號  
為大師妣馬氏繼妣岳氏岳太夫人人生三子公其季也當初妊時  
夢老衲授芝草一本寤而公生穎慧絕人數歲能屬文有神童之  
目年十三補縣學生歲試一等第一名食餼應試江南報罷輒不  
復事舉業治左氏春秋孫吳司馬兵法慨然有經世講武之志時  
嶼城袁公世凱巡撫山東勅練新軍迺詣軍門上書萬言論時政  
及練兵事袁公方居喪不遁謁以屬統制合肥段公祺瑞一見器

丙寅四月書於京師西城富齋

異錄記靈通年游日本入陸軍士官學校卒業歸仍隨段公參  
事民國既建大總統袁公起段公為陸軍總長公任軍學處處  
長軍馬司司長兼管總務廳事克政治會議委員甲寅擢次長乙  
卯遷將軍府事務廳長時宗師設籌安會議復帝制中外震駭公  
迺上書袁公曰名者實之寶今天下初定國信未宣而遽復紛更  
其事所關利害至鉅名實之間御之惟其宜願再審焉袁公得書  
不省公即詣段公言帝制萬萬不能行諸疆帥多崛起爭用威力  
朝夕自快而已四方分崩離析形勢可見宜潔引以竦變也後數  
月雲南義師起袁公鬱鬱黃陂黎公元洪繼為總統段公為總  
理調公為國務院秘書長持法度抑僥倖凡有任使量長校短必

當其材不肯稍徇人意於是人皆畏忌陸構府院之際公遂自免  
去丁巳河間馮公國璋入為總統段公再任總理兼長陸軍又以  
公為次長己未蒙古邊警亟公念西北荒徼屏藩中原依若唇齒  
其廣漠險要擊國家安危甚大鎮暴戾奸首在屯兵因條陳治邊  
要略遂奉西北籌邊使兼西北邊防總司令之命八月入蒙是時  
蒙古自治佛汗專暴蒙民苦虐政莫知所訴聞公持節南至師行  
有紀皆望風相携扶迎候公所止輒停車以勞之父老童穉滿車  
下莫不感悅王公刺麻以下數千人皆徒步出庫倫東四十里拜  
敬道左公既至大會王公刺麻宣德意賜帛悉除一切酷稅佛  
汗迺自請撤治不復抗議條件十一月舉行冊封典禮佛汗冠服

無譚寧慮行禮時方嚴冬而暄和如春日萬民瞻觀跪拜謹誦曰  
數百年奇瑞皆大將軍威靈也公恫蒙俗鄙僊游嬉成習迺撰譯  
文告剴切曉諭講生業興地利勗學校醫院銀行定禮制改關稅  
闢道塗立市政尤以興築張恰鐵路為當務之急十二月還京師  
特授勳二位明年春再入蒙時俄羅斯赤軍初起俄民皆怨思內  
徙蒙境公聞之即令恰克圖駐軍築立大柵悉內俄民男女老弱  
居之嚴兵守衛俄民大喜曰中國常仇我今大將軍待我以恩保  
我父母妻子吾得所歸矣公又念蒙境寥闊政多掣滯宜更舊制  
立區道便敷治迺召集王公刺麻會議議甫定而公遽以遠威將  
軍內召不數月俄軍犯蒙庫倫淪陷至今言邊事者猶深痛焉是

秋直皖戰後公辟居上海再逾年壬戌秋粵許將軍崇智闖王將  
軍永泉數請公主持軍事因問道至延平統兵入省會立建國軍  
政制置府留兩月仍委政王將軍而還甲子冬奉直再戰諸驍帥  
奉段公臨時執政特派公考察歐美曰本政治歷法蘭西英吉利  
瑞士德意志波蘭荷蘭比利時義大利俄羅斯捷克斯拉夫盧森  
堡諸國而居巴黎最久旋赴美利堅歷紐約華盛頓芝加哥聖法  
蘭西斯科檀香山經日本而歸當在法國時方盛夏游覽凡爾登  
戰場歷數日無疲容每就廢壘席地而食若行軍然嘗乘水上飛  
機機壞墮海公神意自若新聞紙紀之萬口紛傳驚歎相屬聞海  
運發禮礮致敬觀拿破侖墓其國故事墓殿殿常閉他國元首至

始得瞻拜親設鑄而公至亦親啟馬法國總統特贈榮光勳章在  
英國牛津大學為講中國樂制在德國克虜伯廠在義國腓阿脫  
廠詳究槍礮之制步行參觀累日弗倦登堂講說聽者歎服在俄  
國與其外務部長翟趣林論政翟侈陳蘇維埃政體之舛公曰此  
我中國數千年前制也時勢遽變不能復襲耳因講明中國不能  
沿襲之故翟為之懔然蓋公揚旌銜命臨蒞諸國上自君相下逮  
士民莫不想望風采故所至迎將歌嘯待以殊禮論者謂李文忠  
後一人而已公還國至京師既復命以乙丑十一月十四日夜半  
道出廊坊遽遇害其明日段公聞公喪哭之哀甚然竟莫得其主  
名亦終莫能究詰而世所傳仇者偽也公為人剛正有大節常以

國之休戚民之苦樂為念絕無利權之計恩怨之私義所當為必  
盡其力於成敗毀譽愉戚一不動於心而世遂皆憚其所為蜚謀  
騰謗多見批抵終以是叢禍於厥身也悲夫自甲子戰後雜軍橫  
畿備當公初歸將入覲段公有命止之又數馳諭且留南中宜可  
少須以待後命而公必執不可甘蹈危地徇國志身可謂皎然不  
欺者矣公少慕為蹕跡而勤敏好學彊探精索務極緒本服官後  
簿書填委而稍暇輒諷誦不輟舟車往來必載書自隨性謙抑尊  
賢下士語掖後進出於至誠在京師嘗預膠州柯鳳孫新城王晉  
卿桐城馬通伯姚中寶叔節閩縣林畏廬諸先生論學而吳縣胡  
綏之鹽山賈佩卿象山陳伯弢諸先生皆為文字交每慨輒近舊

學憲袁翰知縣獲迺立正志學校躬任校長叔節畏廬兩先生  
先後長教務手定規制重根柢嚴約束視校事如家事視學生如  
家子弟嘗自言夙昔採時之志其稍得試於用者惟此校耳又嘗  
設編書局禮聘耆碩分門編纂諸經傳注及在巴黎上書段公請  
贈祿存問因備言尊經重儒之要與時異趨不之顧焉公治經宗  
漢儒為古文辭導源班馬而扶取唐宋柳歐諸家之長於近代方  
姚雅所服膺於詩者少陵於詞者白石夢窗曾校刊趙注孫子桐  
城吳氏評點史記諸家評點古文辭類纂等書十餘種居上海時  
杜門謝客日手一卷每自恨前困官事未能博志經學迺益周攬  
甲部思有所述造嘗謂十三經之稱傳記訓詁雜麈并列宜以大

學中庸選小戴之舊而以大戴併立附國語國策於左氏傳後合  
為十五經傳於爾雅後增以方言釋名說文廣雅共成經訓二十  
種中國經世大文殆可包舉無遺學者儘其資力所能或治專經  
或泛誦覽國家興學育才此為之基立賢行政此為之準然後蓋  
以執事之學分門隸事彙智得范今古無偏泥矣又以諸史諸子  
騷賦詩歌詞曲八比文皆我國文粹分擬目錄廣為采輯未及寫  
定已定彙者有規昔軒文若干卷兜香閣詩若干卷碧夢齋詞若  
干卷遵雅集若干卷其建國詮真二十三章則論政之書也公卒  
年四十六配夏氏子審義審交孫福申福宜卜以丙寅十月二十  
九日歸葬蕭縣醴泉邨鳳凰山之原宣辱公知書從公出入蒙疆

萬里之地知公平生為詳迥謹舉其行治之大者并采所自著文  
稍加論次庶他日上史館垂編錄而俾銘者有考焉謹狀

丙寅五月書於京師綠梅齋

與王晉卿先生書

入秋酷熱經雨驟涼伏惟如意玆攝寶所企祝前呈先祖侍郎公  
遺集敬乞敘言辱許諾深感荷竊念我祖弱冠通籍出掌文衡中  
遭粵賊之亂回籍團練遂更十年年未五十而遽罷歸故其平生  
志業不克大施於世而其謀國之忠憂民之切奏疏具在猶足見  
也當粵賊初起勢至微早而督撫以至郡縣吏皆畏懦不設言賊  
狀我祖獨上書勇言凡言天下之要皆切中當世利病得失之故  
而卒不用遂致因循釀亂可勝歎哉當是之時曾文正公李文忠  
公皆提鄉勇立功東南爵列五等位致將相我祖獨不幸為奸人  
所沮流離困苦身幾不免夫自古豪傑之士為國家深思長慮而

不得徇行其志者往往而有然功名之際不能無所憾也我祖自  
退居四十年絕不與京朝官通書問曾文正李文忠沈文肅諸公  
數欲推轂之終謝不起而棄養也某裁五歲未再期而先君即世  
童騷亡識不能校理遺書忽忽沈今踰二十年世變日亟迺謀哀  
輯付之剞劂庶幾流布不致遽泯而其文章詩詞之美先生觀之  
當自知矣小子不敏贊也

丙寅七月

鎮海李君側室胡氏權厝銘

歲丙寅冬鎮海李君以所為隕星雜悼者數千言寄余曰吾側室  
胡氏之亡六載矣世方輯張兵革未戢而久厝於外歲月不可知  
請君為之銘焉余讀其詞意悽愴反復不能釋慨然念其感悼之  
情即胡氏之為人可想見也其可不銘李君之言曰胡氏名寶珍  
小字雲娥無錫西倉鄉人少喪父隨母僑上海年十六來歸明慧  
勤慎動止以禮初從吾赴官太原繼居京師門以內事織鉅一委  
之秩秩也凡飲食衣服未嘗以豐汰為意而歲時祭祀酒醴之奉  
必脩以潔吾喜賓客嘗會飲胡氏每出己意治具特精旨故吾宗  
姻鄉鄰故舊之至者咸稱道焉吾嘗牽於事晨以出夜而返胡氏

則終日不食危坐遵吾歸握手勞苦問飢飽寒適否以為常吾  
性卞急或有所不樂則愉容寬譬規以德義使盡祛煩懣而後已  
故事吾七年未嘗有毫髮齟齬而吾當流轉無聊時亦幸藉以自  
遣不謂其命權絕而遂棄吾以卒也胡氏天性篤孝初自傷蚤孤  
矢必終養母及歸吾乃迎母同居其後隨宦遠方則時時以衣物  
奉母母卒脫簪珥資喪葬之用且語曰吾事既畢吾願償矣吾初  
以謂其孝思云然繇今思之殆為識矣是可哀也事吾父母及吾  
婦尤恭順比其卒也吾父母皆涕淚命以夫婦禮斂焉胡氏生年  
既淺非有殊特之行而其助於吾者實多而今已矣夫惟文字足  
著其不朽而吾之所以報之者乃僅止於是是尤可哀也李君之

言如此烏乎賢矣李君名祖年家世以高譽聞積德累仁被其鄉  
里而君負幹才名於時正室金氏因疾未有子胡氏初患不育繼  
妊乃以兔身卒於上海時辛酉七月二十七日也年二十二即以  
某年某月日權厝某所銘曰

秉四德之柔懿挺媿姿而倏翳豈靜好不常遂而良媿以永棄既  
厥身之獨穎復肩嗣之未肇胡造物其多岐唯媿她而為屬斯因  
天下所共戲而予銘之昭也庶其有慰於茫茫之世

王樹枏晉卿曰大作善於言情讀之凜然欲絕



潘長沖墓銘

永嘉潘氏有子曰和，小字長沖。生數歲而父母歿，鞠於其世上。將上將絕，愛憐之視，若已出從官。杭州延師課之，日誦書數百言。捷見彊記，講說明辨，不類常童。喜隸書，得古法，嘗出所作百餘紙。觀者驚歎，性端靜，寡笑言，篤於孝友，酬接內外，親疏皆有禮，不驕富侈，以純謹自飭。好誦淳圖言，雖嘗戲嬉，尊席間而意氣灑然。間從長者游，執經問道，無倦色，可謂器矣。歲甲子冬，上將解兵，北游長沖，隨居京師，逾年得腹脹疾，以丁卯二月二十三日殤於醫院。年十四，初其疾也，余方客京師，朝夕視之，醫皆以為無害，乃久而不效。其冬，余南歸，上將屢書求醫藥，越兩月得藥，不及治而遂殤。

丙寅十月書於京師絨線胡同富齋

也悲夫長沖孤童子既幸得育於世父而又來冠而敝之使不得  
相依以長宜上將之深慟而姻舊交游所為恨惜者也以其材  
志天若假之年則極其成就必有以自見而遽止於斯其命也乎  
祖德佩父國康母寧氏世父國綱陸軍上將浙江陸軍第一師師  
長上將既携柩歸卜以某月日葬於其縣某山之原且謂余曰長  
沖臨絕之夕合掌跌坐誦佛不已神色無少變豈其真有覺邪雖  
然吾自北游數載滯不輒歸及今還家而長沖乃以柩俱其何以  
止吾悲也其能為吾銘之乎於是為之銘曰  
材孰使壽孰止吁嗟已天胡倚穆哉于洞玄理反厥始魂升矣骨  
歸里安於此千萬標詒永美

丁卯五月書於宜樓

白雲觀碑記 代徐致齋先生作

白雲觀在京師西郊為時名勝蓋元道士邱處機居焉處機字通  
密登州人生有異稟年十九隱崑崙山為全真之學尋從重陽子  
王嘉受丹訣自號長春子入龍門磻溪者數載騎衣草屨登巖茹  
芝遠近聞慕咸歸伏焉宋金數遣使徵召不赴元太祖特使重臣  
臨存以蒲輪迎之處機既至太祖設壇席奉若神明號為神仙進  
爵大宗師掌管道教奉居太極宮稱長春宮旋改今額卒年八十  
賜號長春演道真人先是處機卒其徒奉冠服瘞於觀建處順堂  
於其上明景泰中堂壞道士乃易為殿額曰長春以奉處機之象  
其後世世繕治迭有增築曰三清閣曰玉皇殿曰靈官殿曰老律

堂而觀後圃更起臺榭極泉石竹木之勝凡積屋之區若干其齋  
祭蒲講之堂燕游寢食之所連房櫺比棟宇崇峻蓋規制闕矣處  
機在元之世久陪帷幄絕無它異自表襮而其所言大抵歸於修  
仁德植孝義節者欲尚清靜以勸厲當世其用心之偉誠非尋常  
煉丹燒汞符籙禁呪之徒依託神鬼者所能幾及也然世傳其靈  
蹟者不一抑果何術致之哉自處機卒四百年當清康熙中迺有  
王道士當月者操行貞潔主白雲觀久得賜紫衣封抱一高士又  
五十餘年有羅道士者奇踪尤著京師九門一日九見其形居峰  
窩峰數百萬出入其口鼻而一無所營日食盡斗米不食亦不求  
也雍正中封恬淡守一真人今分龕觀東西塔院烏庫道家者流

本於黃老守中歸根少私寡欲以游於物之初抱神處和與日月  
參光與天地為常此其所謂長生久視之道也其後乃有興雲起  
霧召致鬼物幻化之事吸新吐故煮丹飲符其異於古亦遠矣然  
若處機者假道於仁託宿於義而游消搖之虛豈非古之所謂真  
人也邪明清以降累世君相崇仰玄風歲時瞻拜輿大萬燕九  
之會車騎駢闐自元暨今七百餘歲宮觀蕭鼓之盛蓋偉然為一  
方之望矣然為其徒者雖有朝夕之奉園林之樂果不可苟焉安  
逸於旦莫之頃宜凜雪其心神恪遵律度積行樹功虔修全真近  
企玉羅之德而遠承處機之教則更百世愈遠彌光其必有所興  
起者矣若斯觀者尚其勸哉

喬母蔡孺人家傳

孺人姓蔡氏瑞安東鄉新塍人吾友喬君育之之母而蘭君先生之配也少以孝聞及歸喬氏事君姑尤恭順經紀室政內外秩秩戚鄙稱焉蘭君先生負幹畧中道捐館舍育之方在娠後數月生母子覺覺相依有覲其產者藉端構訟事雖得直而孺人瘁矣每忌日家祭未嘗不慘然流涕性仁慈喜施與而躬自操作就燈下治鍼緝嘗至夜分衾衣御十年不改製而人以緩急告者雖空乏必得所欲里有紫孀貧而寡不得於其姑求出為人傭孺人憐之養於家十餘年歿而葬之又育女子平陽人乞食於門求留侍留三載資遣焉人皆以爲難平居和靜於物無所干無遠色疾言與

戊辰正月書於京師王氏樸園

之處者皆說而化姻戚疑難往往得片語立釋光緒庚子義和團  
亂沿海多警瑞安東鄉奸民立壇祀禱馬山神以符說神拳聚徒  
黨蔡氏子弟多有從之者孺人聞而大驚私召誠之鐫喻累日咸  
感悟不受符後事敗多株連死者獨蔡氏得免賜其仁恕惻怛識  
慮深遠蓋如此育之治文學有志節或勸其出游者孺人泫然曰  
吾在喬氏勞苦數十年止有此子忍使遠離吾郭且人愚不知足  
不知足義與命之謂何育之謹受教遂不仕孺人以己巳八月十  
二日卒年七十三子歲字育之孫二錫齡錫疇

孫宣曰余與育之總角交少嘗登堂拜母意相親也後余游客四  
方往往在數千里外每有東南望雲之感獨念育之讀書事母承

歡膝下未嘗不歡慕焉即今孺人考終而育之之所以事母者固  
可無憾也然觀孺人平居誥誡之言訓識宏遠雖古賢母何以過  
之則育之之賢有以哉

黑龍江通志叙目

黑龍江以水名與今遼寧吉林稱東三省方裔曠遠前史莫詳清  
乾隆間纂修滿洲源流考盛京通志始備錄三省之事考論地理  
搜討文籍然於黑龍江仍多簡闕而私家纂著若方武濟龍沙紀  
略方觀承卜魁風土記西清黑龍江外紀英和卜魁紀略徐宗亮  
黑龍江述略諸書亦復寥寥可數蓋黑龍江自隸版圖建置之大  
未有顯書今茲纂輯諒為初始顧惟稽往之迹必以徵今為主而  
治方志尤以輿圖為重圖之為用視書較切固非苟焉可也曩者  
圖繪未精山川方位往往疏舛棄地慶國識者譏焉庫頁島本三  
慶間島人私降日本擬復易地於俄展轉百年而國人不察也帕  
米爾本伊犁屬地嘉慶會典圖畫之卡倫外俄人遂藉以要索終

己巳八月書於隱泉書屋

廣輿記今博考圖籍設見制縣設治局各為之圖凡圖若干各系圖說即圖而求地域廣輪之數山川形勢之要瞭若指掌矣爰仿乾隆元年盛京通志光緒十七年吉林通志例酌加益損用符時政凡為類十二統命之曰志曰地理第一曰經政第二曰物產第三曰財賦第四曰學校第五曰武備第六曰交涉第七曰交通第八曰職官第九曰選舉第十曰人物第十一曰藝文第十二每類之中各列子目件繫條分燦然具著共為卷若干云

地理志若干卷凡分子目六曰沿革方志為地理韻書地理之要厥惟沿革沿革勿明則人物山川無所傳麗是以范成大作吳郡志王鏊作姑蘇志竝首述之固不必別立沿革於地理外也黑龍

江僻在東垂臨於北海唐虞而降以暨近季邊革之迹不可殫數爰稽前史參質羣書按次年代分別疏叙圖列於前約其形勢表附於後究其詳悉凡所傳引咸著舊文不敢掠也曰畧度方志例載天文分野其說本於周官以星土辨九州之地然九州之外坐未詳舊說傳會推驗亦疏今概刪略唯著日月出入長短暈食及節氣時刻分秒均按度里表而出之曰疆域地志昉自圖經即圖周覽曷理易明黑龍江幅隕既長地當邊圉國界之爭蹙失莫矣茲以今域為據按見制縣設治局轄境四至八到悉核厥數經緯道里竝錄於圖曰山川為貢獻土肇奠山川山川之形千古不易經畧斯定黑龍江倚興安外控黑水巨流重巒形勢險阻詳

為詮次正位。韓方以東西興安嶺為之幹，羣山為之枝。黑龍松花嫩江為之經，眾水為之緯。高山大川聯絡數縣者，則用互見其餘。俱分隸各縣，領壑陂池，竝以類次。若夫中外異音，今昔殊名，則別為表俾參校焉。曰建置體國，經野實惟建置分職，設官迺啟民治。黑龍江荒曠初闢，治迹未闕，城池津梁無當形勢，廳署所在猶從簡約。然繁庶日臻，嗣修漸圖，則亦後者所宜知也。祠廟寺觀舊制攸繫，考古資焉。具以附載，曰禮俗。禮者因人情而為節文者也，故禮從俗。黑龍江為肅慎墟域，蓋自上古緣情制俗，隱然有尚質之風。逮於乾近，新吐受地，習俗浸異，迺撫舊聞，博訪縣邑分條綴述，用符實也。

經政志若干卷。凡分子目四曰：戶籍、周官司民、實掌民版、良以戶口登耗與政教相關，而輿役定賦諸端，寄焉黑龍江。自昔種人雜處，各為部落，清初編隸軍旗戶口，漸增頻歲，招集襁負，載塗生聚之蕃，治理微矣。戶口舊無冊籍，乾隆四十四年，盛京通志載雍正十二年黑龍江將軍所轄各屬行差人丁數目，則皆旗丁也。其編審民戶，則自乾隆三十六年始，披摺版籍彙書於篇，其氏族之著者，表以詳焉。曰墾文國之大本在乎農民，之司命在乎穀，有穀則用備食足，則政行。黑龍江土膏沃衍，招募耕墾，實兼扈邊，惟其新舊荒熟，名目章程不一，茲舉顛末，竝述農功，間復裁取公文入之。庶昭親書之勤，而示百世之利也。曰倉儲管子論委積詳矣，漢代



當平遂為世法然屯田積穀尤為安邊之上策黑龍江土廣穀賤民志稼穡之勞穰歲無藏羨荒年則稠澹莫賴邊儲之給又擊軍食是倉儲所宜備也釐考舊檔兼錄新制輕重之法庶在斯乎曰蠲振九惠之教振困一也周禮保息之政所以養民故鄉師專職而民鮮驍阨非獨散利薄征為恤荒已也黑龍江地處極邊時或留款輒蒙蠲濟振廩施惠良云善政謹詳紀之

物產志若干卷凡分子目四曰植物曰動物曰礦物曰庶物黑龍江廣員數千里大山巨浸盤迴環抱老林叢樹蔽日參天凡諸雉鱗怪介鰐禽猛獸之屬卯育游翔於其間者不可勝數而其熟五穀富饒產土壤肥美庶彙咸備又足與東南諸省媲美盛矣今博考

中外譜籍區以品類詳厥名狀而牧畜漁獵工藝悉附載之若前代貢品及海外留遷而至者槩不具錄

財賦志若干卷凡分子目五曰租賦禹定九州量其貢賦三代因之秦漢而還賦之法不一或重或輕各立常規黑龍江舊多旗地旗屯官莊並無賦額按丁納糧而已歷時浸久墾戶日增廢壤旣闢料徵遂繁今條舉厥目備述始終公文規章亦復甄錄曰林鐘東北吐隴土寶藏富矣蓋古窩集亦號樹海巖輸材木殆以千萬計所開鑛金與煤為最玉凡茲天然之利取得其宜民生賴焉詳記稅數兼及產額觀後者善治之也曰稅捐則關市征權之規制曰鹽運則引地行銷之章程鉤稽檔冊不復刊削曰錢幣錢幣者所

以御人事而施於政也黑龍江緣邊互市率用銀布猶古遺俗清  
乾隆間商民苦銀質重制錢缺遂私用帖廠後帖賤銀益貴市肆  
異用圖法大亂於是廣信公司官銀號相繼起立頗用措券蓋官  
帖之行實自光緒三十年始願以外國貨幣充斥市上雖官帖勢  
猶遜之錢幣龐雜民受其困茲詳述之誠邊量財計要圖也黑龍  
江置省以來逾二十年興造萬端度支繁鉅其歲入歲出之數附  
列數表用示羣較而豐耗之迹從可知矣

學校志若干卷凡分子目二曰學制曰學務記曰建國君民教學  
為光古之教者家有塾黨有序國有學蓋三代以來所以  
美風俗育人材者未嘗不繇於是也黑龍江古為行國民習游牧

吹獵以騎射為能清初以武功顯者踵接而絕不知文事其建學  
設官則始於康熙三十四年初僅在墨爾根嗣復增置齊齊哈爾  
呼蘭瓊琿等處學官然以地僻絕入學子弟率不能應願蓋其所  
以為教者效甚微耳光緒季年置行省施新政縣邑學校乃以次  
得立圖書器用之須亦漸以供備陶獎童蒙講誦日盛因編列官  
學學校隸於學制學田之畫分留學生之遣送則屬之學務至於  
學宮學署各省舊志皆列學校茲彙列入建置云  
武備志若干卷凡分子目二曰兵制古者寓兵於農卒伍之衆出  
於夫家而授之以田也戰國之際井田法壞適用徵兵及唐則顯  
用募兵相沿蓋今是兵與民分矣黑龍江實肅慎遺墟弓矢之利

戴在周書民驍勇善騎射其平居順寒暑逐水草畜牧有事則以  
攻戰為務凡步騎之仗糗皆自取備焉蓋遼金以來殆猶徵兵制  
也清初羅剎事平留駐防軍編旗設治此漢代屯田之法實有符  
乎三代寓兵於農之意其立水師營則自康熙二十二年始厥後  
邊竟不靖徵調日歸而募募兵矣茲分列陸軍水師攬其尺籍兼  
及餉需而詳述之曰兵事黑龍江四塞之固用兵不絕而近代猶  
苦煩鄰國之侵暴域內之紅變疊徵瘼弱斯尤邦人所當深思而  
熟審也迺述遼金以來用兵之跡而近世之事特詳焉  
交涉志若干卷凡分子目五曰界約黑龍江而北與俄羅斯境壤  
牙錯防禁稍疏劫掠時起清康熙二十八年因羅剎亂後與俄議

分界訂尼布楚條約以額爾古納河格爾必齊河為界雍正五年  
復訂恰克圖條約於是邊鄙相安無事者百餘咸豐八年俄請  
續定疆界四月訂璦琿條約五月訂天津條約黑龍江以北地烏  
蘇里河以東地遂屬於俄十年北京續訂條款自烏蘇里河口而  
南上至興凱湖以烏蘇里及松阿察二河為界河東之地又屬於  
俄而自松阿察河源踰興凱湖至白凌河順山嶺至瑚布圖河口  
順琿春河及海中間之嶺至圖們江口其東之地盡為俄有謀之  
不臧戎心無罄信足恫也茲依光緒三十年外務部條約印本及  
中俄約章會要諸書詳敘事情兼撮條款而黑龍江勘分東界約  
額爾古納河勘界約並附焉  
璦琿春勘界約亦附錄於此以示中俄界約始末  
曰鐵路光緒

二十二年與俄合資修築東省鐵路而以華俄道勝銀行經理其事自西北入省境起臚濱東南經濱江入吉林境以達海參崴於是開鑛採木沿路財利占奪幾盡更復募巡警駐防兵置法院設自治會國棟授人滋惠實深民國而後屢經交涉稍改舊章然俄人之操路事如故也因撫錄光緒宣統間所訂合同及民國十三年協定用資參覽曰航路黑龍松花二江本我境內之水與俄非有榮貴也自瓊瑋訂約黑水之利遂與共之及東省鐵路成而松花江航權又為所散且浸淫及於嫩江矣爰檢各約而條述之曰稅務則中俄鐵路合同之規定曰商務則中俄通商之章程而商埠附焉詳摺官牘並類書之惟自訂立中俄協定奉俄協定凡前

各項條約概歸中俄會議廢止之本平等相互之原則重訂新約則諸此條款會當廢耳茲溯往迹彙著一編俾閱者懲前毖後知所怵惕也

交通志若干卷凡岔子目四曰驛站周官環人以路節達諸四方舍則授館而傳達之事行夫主之斯驛站所繇防也黑龍江之置驛站則自清康熙二十二年始羅利之役置東路十九驛起吉林而至瓊瑋厥後增設南坵西三路凡四十五驛吉林通志以驛站屬於武備然其用於兵事者暫耳實開黑龍江交通之先路即今廢矣而其道里之詳可考見也因竝錄之而以各縣大道附焉曰路政鐵路為近世交通之利器灌輸百貨聯絡軍屯蓋有繫於邊

防尤重黑龍江自光緒三十二年倡自築鐵路之議慘淡經營漸  
著成效今已築者曰齊昂鐵路曰洮昂鐵路曰呼海鐵路而齊克  
鐵路正在修築因就各路地畝工程及其會計出納分條詳記至  
於東省鐵路已見交涉志茲不復著曰航務黑龍江襟野帶江舟  
楫之利達於四竟在昔荒土未闢民戶稀少僅有渡船糧船梢資  
輸輓故盛京通志祇列船艦附於關隘吉林通志則隸之武備今  
則商務日興輪船暢通爰舉於黑郵船局成通公司及他商船航  
行之規章詳著於篇若水師戰船已見武備志若不復具曰郵電  
黑龍江自光緒三十二年裁撤驛站改設文報局民國三年改置  
郵站旋復書歸郵務局電報則創自光緒十三年電話則創自光

緒三十二年茲悉詳其始之緒業體所關竝從甄采俾後有考  
焉

職官志若干卷凡分子目二曰表曰傳周禮設官分職以為民極  
官各有職而百事舉也黑龍江自遼金以來蓋嘗建國置官而方  
志獨得著其守土之吏仿漢書百官公卿表先詳官制次叙官名  
悉按官秩詮次其人其有名績者列傳於後若札賚特杜爾伯特  
後郭爾羅斯伊克明安四旗則別為旗官表俾示建置規模也民  
國而後改官專治名位之併析非一職守之龔易互殊因事參稽  
重加蒼萃凡文武自薦任職以上者具官姓氏竝詳焉  
選舉志若干卷凡分子目二曰科目曰議員周官太宰以八統叙

萬民進賢其一也而進賢以學校為重故鄉里所舉賓興所獻者必先教於鄉州之學以次升於國學升於司馬曰秀士選士俊士進士者皆鄉州所教之人是鄉舉里選之制其與學校一以貫之矣後世取士別為科目雖著膠庠之籍實無師儒之教而今議員選舉益非隸於學校之官也黑龍江遠同荒服文教初開清制東三省又以騎射為重凡入仕者不必假科目進身故滿蒙漢軍學額無定即有蒙旗應試者亦不過數人初附奉天繼附吉林其民籍學額始定於光緒四年厥後呼蘭綏化文武學童應試漸多或至百數十人風氣稍稍振矣各省舊志選舉載至五貢止黑龍江學額既少特廣其途而收之凡入學附生咸具載之至議員選舉

實自宣統元年諮議局始民國以來四舉省議會議員三舉參眾兩院議員一舉國民會議議員而各縣縣議會參事會教育會商會之選舉品流雖別人材蔚興例當備書迨依盛京通志列為韻門各省舊志選舉或隸學校或隸人物於義則偏不敢從也

人物志若干卷凡分子目三曰先哲方志之作原本史體其例則寬於史是以論載人物固宜詳備俾有以補正史之遺使黑龍江自昔種族羣居文字殊異即有勲績爛然施於一世者往往無碑誌以傳厥後故今傳其人物必取資於正史然漸滅無聞者多矣各省舊志每於人物外別列名目義實未安茲適博采史乘兼訪著舊自漢唐以降暨於今茲按次年代鈞稽異同各為傳略不復

繁為郡居而鉅人長德武功治蹟於斯著矣若其郡望不明范以  
方域稍涉疑者槩不闖入曰流寓謫居僑寄寥寥焉耳然其間有  
潛心纂術裨於風教餘韻穆然至今猶可彷彿斯亦文獻所係不  
可略也曰列女依吉林通志例舉凡節婦烈婦貞女烈女並傳其  
實不復分目其事佚者則著姓氏列為表

藝文志若干卷凡分子目二曰目錄藝文僅著目錄此史例也黑  
龍江文教初興著作未弘茲所哀錄殆盡於斯因首列黑龍江文  
所自著書而凡論述黑龍江者編次於後曰文徵蓋取章學誠之  
說章氏論文徵哀錄經濟叢書云臣工奏議官司條教書生揣摩  
於策對草野訪於采風皆於時地相需出其經濟實事既見  
當時志傳不能兼收文徵之輯何容緩與補廣搜中外論著有

黑龍江吏治民生山川風土者零篇斷簡竝為登錄俾資考鏡而  
辭章詩賦亦以類附之至於金石各省舊志皆立額門鄭樵曰金  
石之功寒暑無變以茲稽古庶不失莫斯語亮己黑龍江碑器絕  
少搜羅非易顧此拓錄足資證史思復湮失遂疏全文附著於是

與譚組龔院長書

去冬入都獲侍清塵旋因事務遂有龍江之行匆匆奉別倏以踰時而想望之私無日不馳几闌也頃者區宇救平百度日臻公以方面之勲為國元老衷心宣猶此固海內之士所共欽遲者也顧某之愚以為治國之大莫大於安人安人之術莫先於教養非教不立非養不生而振世之急誠莫若號號民衆以同趣於更化蓋今之政本三民憲綱五權者皆治之迹耳為治之迹古今不相襲而政之至正者必合乎羣理之公必通乎萬事之變雖貫百世而不蔽也當清光緒之際先伯父擯廡先生嘗憂世之患政教不修民竅而失職治生之計隘士不知學而無以持危應變迺慨然疏

庚午正月書於暗翠館



周官以求治道。詒墨子以瘵民疲其感。憐於曠暴淫侈之俗。陳古而劉今。闕意眇。指多所發明。固非徒箋詁而已。今書具在。傳海內外。學者師尊之。蓋周官之盛大。法粹焉。聖哲承緒。克致太平。而墨氏所論。尚賢尚同。節用節葬。非樂非命。兼愛非攻。云者。尤當世豪傑所揭。繫以鼓天下。果能真用其書。通之於治。則安人之道。教養之術。復何以易之哉。歛鄉僻在海墘。風氣固塞。戊戌之後。興學議起。先伯父獨輸私財。擢學校三載之間。溫處兩郡。增置三百餘所。而吾浙學風之美。實唯提倡之力。於是兩郡之士。迨懷前矩。刻石立祠。乙丑之夏。各學校又請因瑞安舊縣學奎星閣。改建。猶公樓藏衣。置象詠誦。遺徽暨今五年。而棹額未題。不足以肅觀瞻。念

公書法擅天下。雄神蓋代。鈔契平原。則斯榜者。宜得大筆為之矣。惟公之仁。幸遂許之乎。

王夫人象贊

猗與夫人懷芳含芬誕摩右族爰侍勛門婉婉有容惟義是勤克  
遵禮規而服於仁默識通微洽覽游文畫梅比絮唄佛味因雅尚  
遺俗端操殊倫展矣淑問來齋攸尊

庚午二月

贈陳守庸序

歲八月日本駐軍夜襲瀋陽侵軼遼東西地而以兵船逼營口  
營口為渤海大埠館水陸貿易之樞人情駭動莫知所出於是吾  
友永嘉陳君守庸經理鹽務稽核分所怒焉憂之以為贖國家大  
業所以奉歲課而事邊用不可齟齬而攘利也亟密請財政部改  
定規章析遼西所屬額徵稅銀若干萬解上海更畫精鹽稅銀若  
千萬解部庫數旬之間辦解鹽課一百八十餘萬夙夜勤強殫心  
於職絕不毫髮自顧望當是時寇張其營口又沒地賊謀往來羣  
吏默默輸合取容君獨遇事激奮無所撓屈日人怨恚會有擠君  
者君首知漢以為即棄去同僚之士咸嗟歎以為不當去而君蕭

辛未七月書於晴翠館

然歸矣君自少勤敏卒業上海約翰大學學出儕輩上時伯父  
廣先生督鄉郡學務甚賞異之延為教習温州中學堂教習五年  
名益起尋就約翰之聘約翰諸生無不樂其人而親其教也歲乙  
卯財政部鹽務稽核總所立君以薦為台州收稅官據法蠲弊歲  
列上考辛酉遷五通橋鹽務助理士成擢自流井分所經理四川  
軍亂峻培亟歛民力困疲癸亥冬軍吏有議徵附加稅銀五百餘  
萬尅日責納莫敢誰何眾皆泣詣君君素伉直以敢言見憚遂力  
爭罷之其明年調總所秘書及將去竄戶相送塞道率資贖數千  
金謝不受盡以捐助永嘉甌海醫院而川南民至今猶頌其愛焉  
稽核總所之叔也以英人會辦用事所定章程輕重錯逆而銓尤

偏阿君迺條論其事舉以國權為重參酌裁訂遂著為例丁卯春  
有目疾告假逾年假滿就補河東分所經理庚午調營口引地遠  
關多通鹽君至數月畢力整頓稅額大增君治鹽務久運銷虛實  
商賈利病莫不洞悉所至公廉不通饋遺從實辦課裁賊屏迹或  
微諷之曰計日受奉他豈吾為也君既自營口歸道比平留旬日  
數過予論邊事相向太息余以為進退去就惟其義故君子必得  
吾心之所安心之所安義之所在也今寇橫境上國勢阨危雖草  
竊猶或奮臂大呼爭以赴難存亡榮辱之際其可醜焉自恣乎即  
彼以柔媚俯仰從撻豎小人逐逐於一時者究其所得奚有哉君  
年五十兒和而氣充志深而行絜確然自處審正道而達乎義則

其貞介之節練達之才所儲為國家異日之用者未可量也余固樂道君之績而又勤君之歸序以贈之且以為壽云

辛未十二月書於晴翠館

水利局副總裁王公家傳

公王氏諱式通原名儀通清宣統

初改馬字書衡號志齋又號郵

廬先世浙江山陰人後著籍山西汾陽其系家先德宣嘗為公考

蘊齋府君妣施太夫人傳矣施太夫人生二子公其次也自少好學博覽經史百家兵權名法農田水利以遠浮圖老子之說多所

貫綜尤練國典以文辭名當世光緒辛卯中式順天鄉試舉人候補內閣中書戊戌成進士用主事簽分刑部主臺雲南司參稽律

例隨事指楠所平決無不厭服任實管學大臣張公百熙奏充編書局纂脩提調京師大學堂兼辦學務處舉經濟特科不就癸卯

補刑部山東司主事充脩訂法律館纂脩當是時變法議興朝廷

方銳意舉新政詔開館制定法律以沈公家本伍公廷芳領館事  
二公皆雅故必引公自助公亦以律令煩多事類濶錯於時非便  
迥參中外之制度禮俗宜否更定新律其章程教悉出公手丙  
午擢刑部安徽司員外郎提調法律學堂學部初立大臣奏薦公  
考察日本學務脩訂法律館奏請調查法典公周諮博訪為札記  
數十萬言還條上之於是大理院郵傳部交章論薦或以私問曰  
吾嘗治法律之學大理固其職耳丁未就補大理院推事用御史  
記名總辦法律館充禮部禮學館顧問官戊申擢推充學部諮  
議官宣統辛亥署總檢察廳丞授大理院少卿公在大理久因益  
推明律意務從寬恕而勢利之求無所關與門庭寧整意泊如也

民國建立強起公為司法次長攝部務甲寅國務院改政事堂遷  
為機要局長丙辰復置國務院任秘書長彙調水利局副總裁公  
為人簡靜少著欲居官慎密能勤厥職凡所撰擬家無留臺接賓  
客僚屬尤溫恭常氏首拱手行步言氣款款而志量溫深識慮憤  
違事利害人賢不肖默察潛計不肯輕用其言及眾論事聞見一  
二言輒出眾意表故人之知公者望顏色上下為可否其不知者  
或夸談逸口志失終始公固笑而不應也故公所居雖巖然出同  
列上而人與之處未嘗悔望有彼此言者速其去而後常愛思也  
公性至孝事親左右和愉比喪二親年五十餘矣而哀慕過禮庚  
申秋遂謝病去官寓居京師結社鰥酬為娛知友往還皆一時名

素清談極口每不罷散尤喜延納後進因材質為訓諍片長一善  
稱譽之不容口晚歲勤於著述嘗預脩國史清史四庫書目又從  
徐公世昌撰輯清儒學案清詩匯等其已刊行者世多有自著志  
盒詩文集寫藏於家公以辛未八月二十二日卒享年六十有八  
配汪夫人子二蔭泰蔭霞蔭泰字孟羣游學日本德意志籍法律  
家言歷官外交總長司法總長

贊曰始宣弱冠游京師從公問學嗶嗶講論於凡修身理人治亂  
得失興壞之致尤詳蓋公平生雅不欲以文自名而所表見大氏  
皆文事世遠徒知推重其文而其志之所存固不得盡施也然  
公之有不得盡施而有以遺於嗣人者抑亦盛矣公之卒也宣即

事喪所公子孟羣總長泣述願言命宣編校遺藁並次為傳迺謹  
敘歷官行實而於論議之詳不復盡載焉然觀所已載者亦足以  
知公矣宣不肖受教門下十有餘年學不少進願過辱公垂絕之  
言斯尤所為執筆泣然流涕也烏虜悽矣

清故頭品頂戴三品京堂前署工部右侍郎張公墓誌銘

公諱翼字燕謀順天通州人也今州改縣隸河北通州張氏故鉅族曾祖諱登舉祖諱存禮父諱玉珽皆以公貴贈光祿大夫母楊氏封一品夫人公七歲而孤事母夫人至孝拳勇善騎射身長七尺狀兒英偉聲如洪鐘喜談辨有志略年十六應募隸神機營醇賢親王一見奇之拔以自隨自是出入王府二十年參豫謀議多所補益光緒壬午特旨以道員發江蘇領洋務局權正陽關修壽州城築隄淮上植樹五十許里捍水患勦育嬰堂救生局民至今以為惠李文忠公鴻章總督直隸奏調北洋任水師營務處總辦開平礦務局王文勤公文韶代為總督尤倚任之薦稱其材是時

壬申三月書於暗翠館



海疆多故。宗奮然銳欲舉新政以更治。數詔大臣條天下事而務修鐵路採礦井興地利圖富疆。公治開平久著成效。遂命以四品宗堂督辦直隸熱河礦務。幫辦天津鎮盧榆關內外鐵路。己亥授內閣侍讀學士。庚子丁母夫人憂。去官寓居天津。義和拳亂八國聯軍攻大沽。急楊文敬公士驥與弟士琦咸就公計議。公謂兵執孤危。亂民挾左道非國計宜以李公主任和議。遂單騎趨京師。將因大學士文忠公榮祿言之。及至北塘兵阻。還諷士琦作書間道以達。遂上聞會總督劉忠誠公坤一張文襄公之洞皆奏請。劉亂朝旨遂決而其幾實自公發也。李公既授全權大臣稱疾未行。詔書敦趣公亟往迎之。從還京師。理教案明年和議成。詔命醕親王載

灃為專使使德以公習外務賞侍郎銜充參贊。既至德德主倭媾欲專使用跪拜禮見公以理拒之。辨析往復務崇國體。德主知不可脇且加敬焉。使還德宗益嘉公材可大用。詔以侍郎候補會辦京榆鐵路。壬寅賞頭品頂戴總辦路礦事宜。署禮部右侍郎調工部兼管錢法堂一歲。再遷公益感激奮厲性素亢直臨事無所避大臣及諸言事者疾公迺撫論開平礦務遂落職。先是拳亂作俄兵據礦地公與英人假約合辦謀興復既兵罷英人背約據礦大臣指公擅事失利權公上疏自陳請如英申理詔許之給三品頂戴尋事白礦應為我有而大臣以前劾公格不行。僅用道員留此洋宣統己酉特詔授三品宗堂賞還頭品頂戴公再上疏論礦務

廷議猶豫久不決已而武昌兵起海內洶亂公獨居憂憤疽發背卒享年六十有七公勤敏篤實少以材武進長迺折節讀書從寶坻方太常學伊游講求濂洛關閩之指期見諸躬行治家有常法雖貴顯不忘儉約訓誡子弟要以忠孝仁義為歸與人無城府好賓客篤於故舊務賙人緩急所得祿賜澹給鄉族建宗祠立義塾義莊而振卹畿輔山東民甦活不可勝數公五娶前三娶皆王氏夫人繼娶李氏夫人繼娶顏札氏夫人李夫人生子男三人長文藻蚤卒次文祁文享女一人適周學淵孫三人公以癸丑四月日卒於天津其明年某月日歸葬通州都閣莊先塋之次既葬之二十年文祁文享具狀請銘迺迺為誌而銘之辭曰

嶽嶽張公自奮厥躬經武執文實材之雄啟績王門流惠淮濱逢世難屯有勞彌勤遠圖謀國正言折敵出入周旋惟其誠直難慰誰愠迺陟而擯公施弗究公志則信道有成虧時亦隆夷山林長往詔此銘詩

柯劭忞鳳生曰濡染淋漓極似曾文正集中文字

章授一山曰斂才就範鎔液取精無一閒字無一溢語而侍

郎之才器見當時之朝局亦見信今傳後金石不磨之作

也

墨謔膏畫隱圖序

黃君匊厂白哲而朗秀澹泊而詳雅自少力學博極羣書兼通雜  
執弱冠與其叔弟鑿厂為詩文俱有名始余與鑿厂識於京師論  
學久相得也繼而獲交於君君客海上不數數見而頗相知愛今  
歲余以事寓上海因常見君迺益親君故善畫長於山水竹石四  
方之人持絹素而請者湊其門每日夕燕坐則援豪揮灑意之所  
之頃刻便成其狀物盡態能使人移使人伏其情曠遠超乎在筆  
墨外也一日出所為墨謔膏畫隱圖示余曰吾以墨戲其遂為畫  
隱矣子知我者為弁言其端余惟君子之為學將以成身而備當  
世之用適弗逢世抱義而處其胸中浩然必不墮獲而徇身則高

壬申五月書於晴翠館

物自隱以歸志焉。固君子之所為也。自古隱者衆矣。隱之迹不必  
同。要皆有得於心者也。彼誠有得於心。則能游於世。其視榮瘁窮  
達之於身。眇然猶蠱蟲之一過。夫孰能累哉。且畫之為執。貴乎自  
然而發。乎情性。其品高下。常視乎其人。不屈其志。則意豁而情放。  
測極幽微。冥與造物者會。心手之運。有然而莫知其然者。今君遺  
著。欲顯日力。以娛嬉於畫。是其內必充然。有所得。其於外必澹然。  
無所慕。外無慕而內自得者。其服於學也。篤其為用也。不窮則所  
居。神者。燕乎全矣。其神全者。其畫高也。雖然。君於此。固其寓焉耳。  
畫伏一世。而猶以隱為名。隱而有名。抑足概也。鑿戶亦善。畫亦嘗  
欲隱者也。頃方有行役。燕趙之郊。畫固不暇為。並以余言訊之。其

有當乎

睇齋授經圖跋

睇齋授經圖者宣之友黎川陳澹一甘籙述其先考朝議府君  
之訓而作也黎川故新城新城陳氏為鉅族世居中田村數百年  
簪裾相望尤以經術文章稱天下朝議府君博學有志行願不幸  
蚤世不及於施而自甘籙之少晁夕侍側講授經史於義理之學  
訓之詳焉府君既歿二十餘年兵盜俠起江嶺中田雖其鴟昔之  
授經之所曰睇齋者於是燔矣歲癸酉冬甘籙寓上海迺乞夏  
劍承敬觀湯定之滌黃公渚孝舒三君者會圖以寄其思而自為  
之記繼復以書來謂宣曰向者潛一客游四方皆以先府君所嘗  
名齋者勝於旅次誠不敢忘先人之訓常以自勵也今曰廬蕩廢

癸酉五月書於三義坊寓樓

寇暴猶極濫跡海隅竊深悲之願得昇一言有以發也宣方卧病起視其書詞戚戚於心不忍執筆底滯隕時而甘籥趣之不已嗟乎宣遂忍言邪宣生七歲先君子捐館舍回思孩提下色笑眇不復識即平居行誼父老所稱誦而亦莫能詳則宣之恨視甘籥加酷矣比年中外多故吾鄉海填數更凶饑之疾惡徒怨士遂持浮說相扇動奸究乘機羣起肆暴劫甲族掠村邑四境搶攘莫遑寧處其所遭危殆險戲與黎川奚以異此宣於甘籥之圖所為恨恨不能自己也然嘗聞之古君子之顯其親者善繼志述事以立身揚名務成於己而無待於人務脩於身而莫制於天蓋制於天者常或有所憾而成於己者皆可自勉也陳氏自贈光祿公凝齋

先生講明新安姚江之學體用兼貫實以儒顯五傳至府君世守家法潛思道德之原究察義利之辨本身心所固有而啓迪其後者可謂至矣甘籥學古好辭章弱冠著書數十萬言歷佐軍府為時推重而耿介特立以氣節自負每薄貳部而不為其所素論當世之務而一歸於植世教敦民俗則所以為學者本有在焉果將絲是觀省先訓而益以自勵其學之進而至之遠渠可量哉若宣碌碌不克自樹立所媿於甘籥者豈獨文字而已因甘籥之自記而附書於圖後以志宣之恨而釋甘籥之悲亦所以見府君之訓為不墜也

國立中央研究院用牋

第 號 第 頁

中華民國

年 月 日

公遠在九不邊  
 牙書第卷承  
 昭昭扇意謙思之  
 數身前不傳  
 志係 夫之社世程不  
 尊處分也 程不  
 人新述者口  
 光君  
 多集才  
 亦敬禮  
 白  
 叩首

電報 (有線) 四四九六(究)  
 (無線) 一四四九六  
 電話 (院長室) 三二四九一  
 (辦公室) 三二五五六  
 院址南京成賢街